

Die Luther-Bibel von 1534
Vollständiger Nachdruck

Biblia

das ist die
ganze Heilige Sch-
riffe Deutsch.

Marc. Luth.
Wittenberg.




Ms. D. XXXIII.

Das Neue Testament

TASCHEN





Gottes wort
bleibt ewig.

Biblia/ das ist/ die
ganze Heilige Sch=
rifft Deudsch.

Mart. Luth.

Wittenberg.

Begnadet mit Kür=
fürstlicher zu Sachsen
freiheit.

Bedruckt durch Hans Lufft.

M. D. XXXIII.

Vorrede auff die Erste Epistel/ An die Corinther.



IN dieser Epistel vermanet Sanct Paulus die Corinther / das sie sollen eintrechtig sein im glauben / vnd inn der lere. Vnd darauff sehen / das sie das heubtstück / nemlich (das Christus vnser Weil ist) wol lernen / an welchem sich alle vernunfft vnd weisheit stößet. Denn gleich wie itzt zu vnser zeit / so das Euangelion an tag komen ist / finden sich der tollen heiligen viel (welche man Kottengeister / Schwermer vnd Ketzer heisset) die allzu frue klug vnd gelert worden sind / vnd können fur grosser kunst vnd weisheit / sich mit niemand gleich odder eintrechtig halten / einer wil hienaus / der ander dort naus / als were es grosse schande / wo nicht ein jglicher einsonderlichs furneme / vnd seine eignen weisheit auffwürffe / Welche niemand widderumb kan zu narren machen / so sie doch im grunde gar nichts von den rechten heubtsachen wissen noch verstehen / ob sie gleich mit dem maul viel danon plaudern.

Also giengs Sanct Paulo auch / da er seine Corinther hatte den Christlichen glauben vnd die freiheit vom Gesetz gelert / funden sich auch die tollen heiligen vnd vnzeitige klüglinge / zutrenneten die eintrechtige lere / vnd machten spaltung vnter den glaubigen. Einer wolt Paulisch / der ander Apollisch / einer Petrisch / der ander Christisch sein / Einer wolt die Beschneidung haben / der ander nicht / Einer wolt die ehe / der ander nicht / Einer wolt götzen opffer essen / der ander nicht / Etliche wolten leiblich frey sein / etliche weiber wolten inn haren gehen / vnd der gleichen / bis sie dahin gerieten / das einer der freiheit misbrauchet / vnd nam seine stoffmutter zur ehe / Vnd etliche nichts von der todten aufferstehung hielten / Etliche nicht viel vom Sacrament. Vnd gieng wüst vnd gantz vnördig zu / das iglicher wolt meister sein vnd leren / vnd mit dem Euangelio / Sacrament / Glauben / machen / was in gut daucht / Vnd liessen die weil das heubtstück fein faren vnd ligen / Das Christus vnser Weil / gerechtigkeit / erlösung ist / als hetten sie es lengest an den schuhen zurißten / Wie denn solch stück nicht kan auff der ban bleiben / wo man beginnet zu klügeln vnd weise zu sein / Aller dinge wie es itzt auch vns gehet / nach dem wir den Deutschen das Euangelion eröffenet haben / von Gottes gnaden / da wil auch ein jglicher der beste meister sein / vnd den heiligen Geist allein haben / gerade als were das Euangelion darumb gepredigt / das wir vnser klugheit vnd vernunfft drinnen erzeigen vnd rhum suchen solten / das diese Corinther wol mögen sein ein Exempel odder beyspiel vnsern leuten zu dieser zeit / welche auch wol ein solche Epistel bedürfften / Es mus aber also sein / vnd sol dem Euangelio also gehen / das tolle heiligen vnd vnzeitige klüglinge / rotten vnd ergernis anrichten / auff das die bewerten (wie hie S. Paulus auch sagt) offenbar werden.

Darumb straffet vnd verdampt S. Paulus solche schedliche weisheit gar ernstlich / Vnd machet solche naseweisen heiligen widderumb zu narren / spricht schlecht / das sie nichts wissen von Christo / noch von

noch von dem geist vnd gaben Gottes / vns inn Christo gegeben / vnd sollen noch anheben zu lernen / Es müssen geistliche leute sein / die es verstehen sollen / Weise sein wollen vnd klugheit furgeben im Euangelio / sey eben das rechte ergernis vnd hindernis / Christum vnd Gott zu erkennen. Kotten vnd zwitracht anzurichten / da mag die kluge vernunft vnd weisheit wol zu dienen / das eitel tolle heiligen vnd wilde Christen werden / Aber vnsern Herrn Christum mögen sie nimmermehr erkennen / sie werden denn widerumb zu narren / vnd lassen sich demütiglich durchs einfeltige Wort Gottes leren vnd führen / Solchs treibt er durch die ersten vier Capitel.

Im Fünfften / straffet er die grosse vnzucht des / der seine stieffmutter genommen hatte / Vnd wil in inn Banthun / vnd dem Teuffel geben / Zeigt damit an ein rechte weise des Bannes zu brauchen / das er mit bewilligung der gleybigen Gemeine gefellet sol werden / vber die öffentliche laster / wie auch Christus Matth. xviij. leret.

Im Sechsten / Straffet er das haddern vnd zanken fur gerichte / sonderlich / fur den Reiden vnd vngleybigen / vnd leret / das sie vntereinander selbs sollen die sache schlichten / odder vnrecht leiden.

Im Siebenden / gibt er vnterricht von der Keuscheit vnd Ehelichem stande / Lobet die Keuscheit vnd Jungfrawschafft / das sie nütze seien / des Euangelij deste bas zu warten / wie Christus auch leret Matth. xix. von den Keuschen / die vmb's Euangelion odder himelreich willen Keusch sind / Aber Paulus wil sie vngenötiget vnd vngewungen / vnd on fahr grösser sünde / gehalten haben / sonst sey besser freyen / denn Keuscheit / die inn stetiger brunst steckt.

Am Achten bis auff's zwelffte / handelt er mancherley weise / wie man die schwachen gewissen führen vnd halten sol / inn eusserlichen sachen / als da sind / essen / trincken / Kleider / Sacrament haben / vnd weret allenthalben / das die starcken nicht verachten sollen die schwachen / sintemal er selbs / ob er wol ein Apostel sey / dennoch viel sich enthalten hab / da er wol recht hette / Dazu sich die starcken wol fürchten mögen / die weil vor zeiten inn Israel so viel vntergangen sind / die doch alle sampt durch wunderwerck aus Egypten geführt sind / vnd machet daneben etliche anleufft heilsamer lere.


Am Zwelfften / bis auff's vierzehend / handelt er / wie mancherley gaben Gottes sind / vnter welchen doch die liebe das beste sey / das sie nicht sich erheben / sondern dienen sollen vntereinander einmütig / die weil es ist ein Gott / ein Herr / ein Geist / vnd alles ein / wie mancherley es auch sey.

Am Vierzehenden / leret er die Prediger / Propheten vnd senger / das sie ordenlich irer gaben brauchen / vnd nur zur besserung / nicht zu eigener ehre / ire predigen / kunst vnd verstand furgeben.

Am Funffzehenden / straffet er die von der aufferstehung des fleisches vnrecht geleret vnd gegleubet hatten.

Am Letzten / vermanet er sie zu brüderlicher hülffe inn zeitlicher nahrung den dürfftigen.

Die erste Epistel Sanct Pauli / An die Corinthern.



1.

Aulus beruffen zum Apo
stel Ihesu Christi / durch den willen
Gottes / vnd Bruder Sosthenes.

Der Gemeine Gottes zu Corinthen /
den geheiligeten inn Christo Ihesu /
den beruffenen Heiligen / sampt allen
denen / die anrufen den namen vnser
WERN Ihesu Christi / an allen iren
vnd vnsern ortern.

Gnade sey mit euch vnd fride / von
Gott vnserm Vater / vnd dem WERN
Ihesu Christo.



Oberschrift.

Unterschrift.

Gnus.

Ich dancke meinem Gott alle zeit
erwer halben / fur die gnade Gottes / die euch gegeben ist inn Christo
Ihesu / das jr seid durch in an allen stücken reich gemacht / an aller le
re / vnd inn aller erkentnis / wie denn die predigt von Christo inn euch
kressig worden ist / also / das jr keinen mangel habt an irgent einer ga
ben / vnd wartet nur auff die offenbarung vnser WERN Ihesu Chri
sti / welcher auch wird euch fest behalten bis ans ende / das jr vnstreff
lich seied auff den tag vnser WERN Ihesu Christi. Denn Gott ist
trew / durch welchen jr beruffen seid / zur gemeinschafft seines Sons
Ihesu Christi vnser WERN.

Ich ermane euch aber / lieben Brüder / durch den namen vnser
WERN Ihesu Christ / das jr alzumale einerley rede furet / vñ lasset nicht
spaltung

(Gemeinschafft)
Das ist / Ir seid
mit einander vnd mit
genossen aller gü
ter Christi.

An die Corinthier.

CXVI.

spaltung vnter euch sein/ sondern das jr seid vollkommen inn einem sin-
ne/ vnd inn einerley meinung / Denn mir ist furkomen/ lieben Brü-
der/ durch die aus Chloes gesinde/ von euch/ das zank vnter euch
sey. Ich sage aber danon/ das vnter euch einer spricht/ Ich bin Pau-
lisch/ der ander/ Ich bin Apollisch/ der dritte/ Ich bin Kephisch/ der
vierde/ Ich bin Christisch. Wie? ist Christus nu zurtrennet? Ist denn
Paulus fur euch gecrentzigt? odder seid jr inn Paulus namen getau-
ffet? Ich dancke Gott/ das ich niemand vnter euch getaufft habe/ on
Crispon vnd Gaion / Das nicht imand sagen möge/ ich hette auff
meinen namen getaufft/ Ich habe aber auch getaufft des Stephana
hausgesinde/ darnach weis ich nicht/ ob ich etliche ander getaufft
habe.

Denn Christus hat mich nicht gesand zu teuflen/ sondern das
Euangelion zu predigen/ nicht mit klugen Worten/ auff das nicht
torheit/ denen/ die verloren werden/ vns aber/ die wir selig werden/
ists eine Gottes krafft/ Denn es stehet geschrieben / Ich wil vmb-
bringen die weisheit der weisen/ vnd den verstand der verstendigen
wil ich verwerffen. Wo sind die klugen? Wo sind die Schriffgeler-
ten? Wo sind die welt weisen? Hat nicht Gott die weisheit dieser welt
zur torheit gemacht?

Denn die weil die welt durch ire weisheit Gott inn seiner weis-
heit nicht erkandte/ gefiel es Gott wol/ durch törichte predigte selig
zu machen/ die/ so daran glauben/ Sintemal die Jüden zeichen fod-
ern/ vnd die Griechen nach weisheit fragen/ Wir aber predigen den
gecrentzigten Christ/ den Jüden eine ergernis/ vnd den Griechen eine
torheit/ Denen aber die beruffen sind/ beide Jüden vnd Griechen/
predigen wir Christen/ Göttliche krafft vnd Göttliche weisheit/
Denn die Göttliche torheit ist weiser denn die menschen sind/ vnd die
Göttliche schwachheit ist starker denn die menschen sind.

Sehet an/ lieben Brüder/ ewren beruff/ nicht viel Weisen nach
dem fleisch/ nicht viel gewaltige/ nicht viel edle sind beruffen/ Son-
dern was töricht ist fur der welt/ das hat Gott erwelet/ das er die
Weisen zu schanden machet/ vnd was schwach ist fur der welt/ das
hat Gott erwelet/ das er zu schanden machet/ was starck ist. Vnd das
vnedle fur der welt/ vnd das verachte hat Gott erwelet/ vnd das da
nichts ist/ das er zu nicht machet/ was etwas ist/ auff das sich fur im
kein fleisch rühme/ Von welchem auch jr herkompt/ inn Christo Ihe-
su/ welcher vns gemacht ist von Gott/ zur weisheit/ vnd zur gerech-
tigkeit/ vnd zur heiligung/ vnd zur erlösung/ auff das (wie geschrie-
ben stehet) wer sich rühmet/ der rühme sich des D^eLⁱX^an.

Göttliche tor-
heit vnd schwach-
heit ist das Euan-
gelion/ das fur den
Klugen nerrisch/ fur
den heiligen Ezer-
risch/ aber fur den
Christen mechtig
vnd weise ist.

II.



Vnd ich/ lieben Brüder/ da ich zu euch kam/ kam ich
nicht mit hohen Worten oder hoher weisheit/ euch zu
verkündigen die Göttliche predigt. Denn ich hielt mich
nicht dafur/ das ich etwas wüste vnter euch/ on allein
Ihesum Christum/ den gecrentzigten. Vnd ich war
bey euch/ mit schwachheit/ vnd mit furcht/ vnd mit
grossen zittern/ vnd mein wort vnd meine predigt war
nicht inn vernünftigen reden menschlicher weisheit/ sondern inn be-
weisung des geists vnd der krafft/ auff das ewer glaube besthe/ ni-
cht auff menschen weisheit/ sondern auff Gottes krafft. Da wir

(Besthe) Darff
können menschen
lere nicht ein gründ
des gewissens od-
der glaubens sein.

Die Erste Epistel

Da wir aber von reden/ das ist dennoch weisheit/bey den volkmenen/ nicht eine weisheit dieser welt/auch nicht der obersten dieser welt/ welche vergehen/ sondern wir reden von der heimlichen ^a verborgenen weisheit Gottes/welche Gott verordnet hat vor der welt/ zu vnser herligkeit/welche keiner von den obersten dieser welt erkand hat/ Denn wo sie die erkand hetten/hetten sie den D^{er}rn der herrligkeit nicht gecrentziget/ Sondern wie geschrieben stehet/das kein ange gesehen hat/vnd kein ohre gehört hat/vnd inn keines menschen hertz komen ist/das Gott bereitet hat denen/die in lieben.

^a
(Verborgene) Den es ligt vnter der totheit vnd dem creutz verborgen/vnd scheinet nicht inn ehren vñ reichthum.

Vns aber hat es Gott offenbaret durch seinen Geist/ Denn der Geist erforschet alle ding/auch die tieffe der Gottheit/ Denn welcher mensch weis/ was im menschen ist/ on der geist des menschen/der inn im ist? Also auch/ niemand weis/ was inn Gott ist/on der Geist Gottes. Wir aber haben nicht empfangen den geist der welt/sondern den Geist aus Gott/das wir wissen können/was vns von Gott gegeben ist/welchs wir auch reden/nicht mit Worten/welche menschliche weisheit leren kan/ sondern mit Worten/die der Heilige Geist leret/vnd richten geistliche sachen geistlich. Der ^b natürliche mensch aber vernimpt nichts vom Geist Gottes/Es ist im eine torheit/vnd kan es nicht erkennen/denn es mus geistlich gerichtet sein/ Der geistliche aber ^c richtet alles/vnd wird von niemand gerichtet. Denn wer hat des D^{er}rn sinn erkand? odder wer wil in vnterweisen? Wir aber haben Christus sinn.

^b
(Natürliche) Der natürliche mensch ist/wie er außser der gnaden ist/mit aller vernunft/kunst/sinnen vnd vermögen/auch außs beste geschicket.

^c
(Richter) Verstehet/sület/findet/ist gewis etc. Welches die vernunft nicht vermag/weis auch nichts/was glaube odder Euangelion ist.

Sie hat S. Paulus das Bapstum vnd alle secten verdispt

III.



Und ich/lieben Brüder/kund nicht mit euch reden als mit geistlichen/sondern als mit fleischlichen/wie mit iungen kindern in Christo. Milch hab ich euch zu trincken gegeben/vnd nicht speise/denn jr kundet noch nicht/auch kund jr noch itzt nicht/die weil jr noch fleischlich seid. Denn sintemal einer vnd zant/vnd zwitragt vnter euch sind/seid jr denn nicht fleischliche/vnd wandelt nach menschlicher weise? Denn so einer saget/Ich bin Paulisch/der ander aber/Ich bin Apollisch/seid jr denn nicht fleischlich? Wer ist nu Paulus? Wer ist Apollo? Diener sind sie/durch welche jr seid gleubig worden/vnd das selbige/wie der D^{er}rn einem iglichen gegeben hat. Ich habe gepflantzet/Apollo hat begossen/aber Gott hat das gedeien gegeben. So ist nu wedder der da pflantzet/noch der da begensset etwas/sondern Gott/der das gedeien gibt.

Der aber pflantzet/vnd der da begensset/ist einer wie der ander/ Ein iglicher aber wird seinen lohn empfangen/nach seiner arbeit. Denn wir sind Gottes gehülffen/jr seid Gottes ackerwerck/vnd Gottes gebew. Ich von Gottes gnaden/die mir gegeben ist/hab den grund gelegt/als ein weiser bawmeister/ Ein ander bawet darauff. Ein iglicher aber sehe zu/wie er darauff bawe. Einen andern grund kan zwar niemand legen/ausser dem/der gelegt ist/welcher ist Ihesus Christ. So aber imand auff diesen grund bawet/odder gold/silber/eddel steine/holtz/hew/stoppeln/so wird eines iglichen werck offenbar werden. Der tag wirds klar machen/Denn er wird mit ferner offenbar werden/vnd welcherley eines iglichen werck sey/wird das ferner bewerken. Wird imandes werck bleiben/das er darauff gebawet hat/so wird er lohn empfangen/Wird aber imands werck verbrennen/

^d
(Gold/silber) Das ist von predigē vñ leren gesagt/die zu des glaubens besserung odder gerügerüg gelehet werden/zu bestehet keine lere im sterben/jüngsten tag/vnd allen nöten/es wird verzeret/es sey den lauter Gottes wort/das befin det sich alles im gewissen wol.

An die Corinther.

CXVII

verbrennen / so wird er ^a gestraffet werden / er selbs aber wird selig werden / so doch / als durchs feur.

Wisset jr nicht / das jr Gottes tempel seid / vnd der geist Gottes inn euch wonet? So jmand den tempel Gottes verderbet / den wird Gott vorderben / Denn der tempel Gottes ist heilig / der seid jr. Niemand betrieße sich selbs / Welcher sich vnter euch düncket weise sein / der werde ein narr inn dieser welt / das er möge weise sein. Denn dieser welt weisheit ist torheit bey Gott / Denn es stehet geschrieben / Die Weisen erhaschet er inn irer klugheit. Vnd abermal / Der Herr weis der Weisen gedanken / das sie eitel sind. Darumb rühme sich niemand eines menschen / Es ist ^b alles ewer / es sey Paulus oder Apollo / es sey Kephass odder die welt / es sey das leben odder der tod / es sey das gegenwertige odder das zukünfftige / alles ist ewer / jr aber seid Christi / Christus ist aber Gottes.

III.

Dafür halte vns jderman / nemlich fur Christus Die- ner / vnd hanshalter vber Gottes ^c geheimnis. In su- chet man nicht mehr an den hanshaltern / denn das sie trew erfunden werden. Wir aber ist ein geringes / das ich von euch gerichtet werde / odder von einem menschlichen tage / Auch richte ich mich selbs nicht / Ich bin wol nichts mir bewust / aber darinne bin ich nicht gerechtfertiget / Der Herr ist aber / der mich richtet. Darumb richtet nicht vor der zeit / bis der Herr kome / welcher auch wird ans liecht bringen / was im finstern verborgen ist / vnd den rat der hertzen offenbaren / als denn wird einem jglichen von Gott lob widderfaren.

Solchs aber / lieben Brüder / habe ich auff mich vnd Apollo ge- dent / vmb ewren willen / das jr an vns lernet / das niemand höher von sich halte / denn itzt geschrieben ist / auff das sich nicht einer wid- der den andern vmb jmands willen auff blase / Denn wer hat dich furgezogen? Was hastu aber / das du nicht empfangen hast? So empfangen hette? Ir seid schon sat worden / jr seid schon ^d reich wor- den / jr herschet on vns / Vnd wolte Gott / jr herschetet / auff das auch wir mit euch herschen möchten.

Ich halte aber / Gott habe vns Apostel fur die aller geringesten dargestellet / als dem tode vbergeben / Denn wir sind ein schawspiel worden der welt / vnd den Engeln / vnd den menschen. Wir sind nar- ren vmb Christus willen / jr aber seid klug inn Christo. Wir schwach / jr aber starck. Ir herrlich / wir aber verachtet. Bis auff diese stund lei- den wir hunger vnd durst / vnd sind nacktet / vnd werden geschlagen / vnd haben keine gewisse stete / vnd erbeiten vnd wircken mit vnsern ei- gen henden. Man schilt vns / so segen wir / man verfolget vns / so dul- den wirs / man leidet vns / so flehen wir. Wir sind stets als ein ^e fluch der welt / vnd ein fegopffer aller leute.

Nicht schreibe ich solches / das ich euch bescheme / sondern ich vermane euch / als meine lieben kinder / Denn ob jr gleich zehen tau- sent zuchtmeister hettet / inn Christo / so habt jr doch nicht viel veter / Denn ich habe euch gezeuget inn Christo Ihesu / durchs Euange- lion / Darumb ermane ich euch / seid meine nachfolger. Aus der selben

^a (Gestraffet) Das ist gebühet / wie ei- ner fur gericht die buße ge- en mus.

^c (Geheimnis) Das ist das Euangel- ion / darinnen die Göttlichen güter verborgen / vns fur getragen werden.

^d Ironia / Er spot- tet jr / vnd meinet das widerspiel.

^e (Fluch / fegopffer) Fluch auff Grie- chisch / Kathar- ma fegopffer / paipse- ma / latinsch piac- u- l- hies ein mēsch- der ein solche böse that begangen hat- te / das man mei- net / Gott wurde land vnd leute dar- umb verflucht vñ verderben / Darü- wenn sie den selb- gen abtheten / mei- neten sie / sie hetten den fluch weg ge- than / vnd das land gereinigt / Sol- cher fluch war der

Propheet Jonas / da er ins meer ge- worffen ward. Zu- weilen namen sie auch einen vn- schäl- digen menschen / wenn so grosse pla- ge im lande war / vnd meineten / sie segeten das land von solcher plage / mit solchen tod od- der opffer / wußten in jnn- meer / vnd sprachen / Du seiest vnser feg- opffer / das wir gen- gen vnderlöset werde- Also meinet die welt / das die Apo- stel vnd des Euan- gelij prediger / die er- gesten vnd sch- d- lichsten leute auff erden seien / wenn sie der los were / so stünde es wol / vnd weren alles vn- glücks vnd fluchs los / hetten damit Got- groffen dienst gethan / Joh. xvi.

Joh. v. psalm. xcv. b (Alles ewer) Darü- hat kein mensch macht / vber die Christen gesetz zu machen / die gewi- ssen zu bladen.



Die Erste Epistel

ursache habe ich Timotheon zu euch gesand / welcher ist mein lieber vnd getrewer son inn dem Herrn / das er euch erinnere meiner wege / die da inn Christo sind / gleich wie ich an allen enden / inn allen Gemeinden lere. Es blehen sich etliche auff / als würde ich nicht zu euch komen / Ich wil aber gar kurtzlich zu euch komen / so der Herr wil / vnd erlernen / nicht die wort der auffgeblasenen / sondern die krafft. Denn das Reich Gottes stehet nicht inn Worten / sondern inn krafft. Was wolt jr? sol ich mit der ruten zu euch komen / odder mit liebe vnd sanfftmutigem geist?

V.



So gehet ein gemein geschrey / das hurerey vnter euch ist / vnd eine solche hurerey / da auch die Weiden nicht von zu sagen wissen / das einer seines vaters weib habe. Vnd jr seid auffgeblasen / vnd habt nicht viel mehr leide getragen / auff das / der das werck gethan hat / von euch gethan würde / Ich zwar / als der ich mit dem leibe nicht da bin / doch mit dem geist gegenwertig / habe schon als gegenwertig beschlossen / vber den / der solchs also gethan hat / inn dem namen vnsern Herrn Ihesu Christi / inn ewiger versamlung mit meinem geist / vnd mit der krafft vnsern Herrn Ihesu Christi / in zu vbergeben dem Satan / zum verderben des fleisches / auff das der geist selig werde am tage des Herrn Ihesu.

(Newer teig) Es ist noch vbrige sunde inn den heiligen / die auswegte ist. Darüß spricht er / jr seid vngesauert / das ist / heilig / aber schaffet / das jr alles ausseget / vnd ganz rein ein ganz newer teig werdet.

(Ir die welt) Wer nicht vnter bösen leuten sein wölte / der müste die ganze welt meiden / Darüß wil er / das man böse Christen meiden solle / das sie nicht den namen faren / oder sich beßern müssen. Denn die vnd Christen haben den namen nicht.

Ewer rhum ist nicht fein / Wisset jr nicht / das ein wenig saurteig den gantzen teig versauert? Darüß feget den alten saurteig aus / auff das jr ein newer teig seid / gleich wie jr vngesauert seid. Denn wir haben auch ein Osterlamb / das ist Christus / für vns geopffert. Darüß lasset vns Ostern halten / nicht im alten saurteig / auch nicht im saurteig der bosheit vnd schalckheit / sondern inn dem süßteig der lauterkeit vnd der warheit.

Ich habe euch geschrieben inn dem briue / das jr nichts solt zu schaffen haben mit den hurern / das meine ich gar nicht von den hurern inn dieser welt / odder von den geitzigen / odder von den reubern / odder von den Abgöttischen / sonst müßet jr die welt reumen. Nu aber habe ich euch geschrieben / jr solt nichts mit jnen zu schaffen haben / Nemlich / so jmand ist / der sich leßet einen Bruder nennen / vnd ist ein hurer / odder ein geitziger / odder ein Abgöttischer / odder ein Eßter / odder ein trunckenbold / odder ein reuber / mit dem selbigen solt jr auch nicht essen / Denn was gehen mich die draussen an / das ich sie solt richten? Richtet jr nicht / die da hinnen sind? Gott aber wird die draussen sind / richten. Thut von euch selbs hinaus / wer da böse ist.

VI.



Je thar jmand vnter euch / so er einen handel hat mit einem andern / haddern für den vnrechten / vnd nicht für den Weiligen? Wisset jr nicht / das die Weiligen die welt richten werden? So denn nu die welt sol von euch gerichtet werden / seid jr denn nicht gut genug / geringer sachen zu richten? Wisset jr nicht / das wir vber die Engel richten werden? wie viel mehr vber die zeitliche güter? Ir aber / wenn jr vber zeitlichen gütern sachen habt / so nemet jr die / so bey der

An die Corinther.

CXVIII.

bey der Gemeine veracht sind / vnd setzet sie zu Richter. Euch zur schande mus ich das sagen / Ist so gar kein weiser vnter euch? obder doch nicht einer / der da künde richten zwischen bruder vnd bruder? sondern ein Bruder mit dem andern haddert / dazu fur den vngleubigen.

^a
(Veracht
Das sind die Zeh-
den die man nicht
leßt mit den Chris-
ten zu Christus
en sachen als Sa-
crament etc.

Es ist schon ein feil vnter euch / das jr mit einander rechtet / Warumb laßet jr euch nicht viel lieber vnrecht thun? Warumb laßet jr forteilten / vnd solches an den Brüdern. Wisset jr nicht / das die vngerechten werden das Reich Gottes nicht ererben? Laßet euch nicht verführen / wedder die hurer / noch die Abgöttischen / noch die ehebrecher / noch die geitzigen / noch die trunckenen / noch die lesterer / noch die reuber / werden das Reich Gottes ererben. Vnd solche seid jr etliche gewesen / aber jr seid abgewaschen / jr seid geheiligt / jr seid gerecht worden / durch den namen des Herrn Ihesu / vnd durch den Geist vnseres Gottes.

Ich hab alles macht / es fromet aber nicht alles. Ich hab es als banche / vnd der banche der speise / aber Gott wird diesen vnd ihene der Herr dem leibe. Gott aber hat den Herrn aufferwecket / vnd wird vns auch aufferwecken / durch seine krafft. Wisset jr nicht / das ewre huren glieder draus machen? Das sey ferne. Odder wisset jr nicht / das / wer an der huren hanget / der ist ein leib mit jr / Denn sie werden /

Gene. ij

(spricht er) zwey inn einem fleische sein. Wer aber dem Herrn anhanget / der ist ein geist mit jm.

Fliehet die hurerey / Alle sünde die der mensch thut / sind ausser seinem leibe / Wer aber huret / der sundiget an seinem eigen leibe. Odder wisset jr nicht / das ewer leib ein tempel des Heiligen geistes ist / der inn euch ist / welchen jr habt von Gott / vnd seid nicht ewer selbst? Denn jr seid thewer erkauft / Darumb so preiset Gott an ewrem leibe vnd inn ewrem geist / welche sind Gottes.

VII.



Vn dem jr aber mir geschrieben habt / antworte ich. Es ist dem menschen gut / das er kein weib berüre / Aber vmb der hurerey willen / habe ein jglicher sein eigen weib / vnd eine jgliche habe jren eigen man. Der man leiste dem weibe die schuldige freundschaft / des selbigen gleichen das weib dem manne. Das weib ist jres leibs nicht mechtig / sondern der man / Desselbigen gleichen / der man ist seines leibes nicht mechtig / sondern das weib. Entzihet sich nicht eins dem andern / es sey denn aus beider bewilligung / eine zeitlang / das jr zum fasten vnd beten musse habt / vnd kommet widerumb zusammen / auff das euch der Satan nicht versuche / vmb ewer vnkeuscheit willen.

Solchs sage ich aber aus vergunnst / vnd nicht aus gebot. Ich wolte aber lieber / alle menschen weren wie ich bin / Aber ein jglicher hat seine eigene gabe von Gott / einer sonst / der ander so. Ich sage zwar den ledigen vnd widwen / Es ist jnen gut / wenn sie auch bleiben
X wie ich /

Die Erste Epistel.

(brennen)
Brunst leiden.

wie ich / So sie aber sich nicht enthalten / so las sie freien. Es ist besser freien / denn * brennen.

b
(versüne)
Kein versach schei-
det man vñ weib/
on der ehebruch
Marth. xix. Dar-
umb jnn andern
30mes sachen / mu-
ssen sie entweder
eines werden / oder
on ehe bleiben / wo
sie sich drüber schei-
den.

Den ehelichen aber gebiete / nicht ich / sondern der Herr / das das weib sich nicht scheide von dem manne. So sie sich aber scheidet / das sie one ehe bleibe / odder sich mit dem manne b versüne / vnd das der man das weib nicht von sich lasse.

Den andern aber / sage ich / nicht der Herr / So ein Bruder ein vnglenbig weib hat / vnd die selbige leisset es jr gefallen / bey jm zu wo-
nen / der scheide sich nicht von jr. Vnd so ein weib einen vnglenbigen man hat / vnd er leisset es jm gefallen / bey jr zu wonen / die scheide sich nicht von jm / Denn der vnglenbige man ist * geheiligt durchs weib / vnd das vnglenbige weib wird geheiligt durch den man / sonst weren ewre Kinder vnrein / nu aber sind sie heilig. So aber der vnglenbige sich scheidet / so las jn sich scheiden. Es ist der Bruder odder die Schwester nicht gefangen jnn solchen fellen / Im fride aber hat vns Gott beruffen. Was weissestu aber / du weib / ob du den man werdest selig mach-
en? odder du man / was weissestu / ob du das weib werdest selig mach-
en? Doch wie einem jglichen Gott hat ausgeteilet.

c
(geheiligt)
Gleich wie den rei-
nen ist alles rein/
Tit. i. Also ist eine
Christen ein vñ
Christen gemahl
auch rein / das er
on sünde bey jm
sein mag. vnd die
Kinder nicht zu ver-
werffe / als vnrein /
die er nicht leiden
solle odder muge.
Denn ehe vñ ein-
der sorge bleibt re-
cht es sey heidni-
sch oder Christlich

Ein jglicher / wie jn der Herr beruffen hat / also wandel er / vnd als
so schaffe ichs jnn allen Gemeinen / Ist jemand beschnitten beruffen /
der zeuge keine vorhaut / Ist jemand beruffen jnn der * vorhaut / der
lasse sich nicht beschneiden. Die beschneidung ist nichts / vnd die vor-
haut ist nichts / sondern Gottes gebot halten. Ein jglicher bleibe jnn
dem ruff / darinnen er beruffen ist. Bistu ein knecht beruffen / sorge dir
nicht / doch / kanstu frey werden / so brauche des viel lieber. Denn wer
ein knecht beruffen ist jnn dem Herrn / der ist ein gefreiter des Herrn /
Des selbigen gleichen / wer ein freier beruffen ist / der ist ein knecht
Christi. Ir seid thewr erkauft / werdet nicht der menschen knechte.
Ein jglicher / lieben Brüder / worinnen er beruffen ist / darinnen bleibe
er bey Gott.

d
(vorhaut)
Das ist / niemand
dringe darauß /
das vorhaut odder
beschneidung not
sey / sondern lasset
beides on not vnd
frey sein jederman

Von den jungfrauen aber / hab ich kein gebot des Herrn / ich
sage aber meine meinung / als ich barmhertzigkeit erlanget habe von
dem Herrn / trew zu sein. So meine ich nu / solches sey gut / vmb der
gegenwertigen not willen / das es dem menschen gut sey / also zu sein.
Bistu an ein weib gebunden / so suche nicht los zu werden / Bistu aber
los vom weib / so suche kein weib. So du aber freiest / sundigestu
nicht / Vnd so eine Jungfraw freiet / sundiget sie nicht / Doch wer-
den solche / leibliche trübsal haben / Ich verschonet aber ewer ger-
ne.

Das sage ich aber / lieben Brüder / die zeit ist kurtz / weiter ist das
die meinung / die da weiber haben / das sie seien / als hetten sie keine /
Vnd die da weinen / als weineten sie nicht / Vnd die sich frewen / als
freweten sie sich nicht / vnd die da küssen / als besessen sie es nicht /
Vnd die dieser welt brauchen / das sie der selbigen nicht missbrauch-
en. Denn das wesen jnn dieser welt vergehet.

Ich wolt aber / das jr on sorge weret. Wer ledig ist / derorget was
den Herrn angehört / wie er dem Herrn gefalle. Wer aber freiet /
derorget was die welt angehört / wie er dem weib gefalle. Es ist ein
vnterscheid zwischen eim weib vnd einer Jungfrawen / Welche
nicht freiet / dieorget was den Herrn angehört / das sie heilig sey /
beide am leibe vnd auch am geist. Die aber freiet / dieorget was
die welt

An die Corinthen.

CXIX.

die welt angehört/wie sie dem manne gefalle. Solchs aber sage ich zu ewrem nutz/nicht das ich euch einen strick an den hals werffe/sondern dazu/das es wol zieret/vnd jr stets vnd vnnnerhindert dem Herrn dienen könnet.

So aber jemand sich lesset düncken/es wölle sich nicht schicken mit seiner Jungfrawen/weil sie eben wol manbar ist/vnd es wil nicht anders sein/so thu er was er wil/er sundiget nicht/er lasse sie freien. Wenn einer aber im fest fur nimpt/weil er vngewungen ist/vnd seine Jungfraw also bleiben zu lassen/der thut wol. Endlich/welcher verheiratet/der thut wol/welcher aber nicht verheiratet/der thut o besser. Ein weib ist gebunden an das Gesetz/so lange der man lebet/sie wil/allein/das es inn dem Herrn geschehe. Seliger ist sie aber/wo sie also bleibet/nach meiner meinung/Ich halte aber/ich hab auch den geist Gottes.

a
(nutz)
Das jr erret eler hie rin was euch das beste ist.

b
(strick)
Paulus wil niemant die ehe verbieth wie jhr durt gesehen vn gelubd geschicht bey Pfaffen/Mönchen vñ Nonnen.

c
(freien willen)
Das ist/das sie dar ein willige. Vngewungen ist er/denn es zwinget in Gottes gebot nicht dazu.

d
(besser)
Nicht das er für Gott damit hoher werde für welcher ein allein der glau be hebet/sondern wie er drohe sagt/das er das Gottes warten kan inn diesem leben.

e
(bleset)
Sie sehet er an die liebe zu preise/gegen den schwachen gläubigen.

VIII.

Es spot
in jr.



On dem Götzen opffer aber wissen wir/denn wir haben alle das wissen. Das wissen e bleset auff/Aber die liebe bessert. So aber sich jemand düncken lesset/er wisse etwas/der weis noch nicht/wie er wissen sol/So aber jemand Gott liebet/der selbige ist von jm erkand. So wissen wir nu von der speise des götzen opffers/das ein Götz nichts inn der welt sey/vnd das kein ander Gott sey/on der einige. Vnd wie wol es sind/die Götter genennet werden/es sey im himel odder auff erden(sintemal es sind viel Götter vnd viel Herrn)so haben wir doch nur einen Gott/den Vater/von welcher alle ding sind/vnd wir inn jm/vnd einen Herrn Ihesu Christ/durch welchen alle ding sind/vnd wir durch jm.

Es hat aber nicht jederman das wissen/Denn etliche machen in noch ein gewissen vber dem götzen/vnd essens für götzen opffer/damit wird jr gewissen/die weil es so schwach ist/befleckt. Aber die speise fordert vns für Gott nicht. Essen wir/so werden wir darumb nicht besser sein/Essen wir nicht/so werden wir darumb nichts weniger sein.

Sehet aber zu/das diese ewre freiheit nicht gerate zu einem anstos der schwachen. Denn so dich(der du das erkentnis hast) jemand sehe zu tische sitzen im Götzen hause/wird nicht sein gewissen/die weil er schwach ist/verursachet/das götzen opffer zu essen/vnd wird also vber deinem erkentnis der schwache Bruder vmbkommen/vmb welcher es willen doch Christus gestorben ist. Wenn jr aber also sundiget an den Brüdern/vnd schlahet jr schwaches gewissen/so sundiget jr an Christo. Darumb/so die speise meinen Bruder ergert/wolte ich nimmermehr fleisch essen/auff das ich meinen Bruder nicht ergere.

IX.

Ich Binich

Die Erste Epistel



In ich nicht ein Apostel? bin ich nicht frey? Dab ich nicht vnsern Herrn Ihesum Christum gesehen? Seid nicht jr mein werck inn dem Herrn? Bin ich andern nicht ein Apostel/ so bin ich doch ewer Apostel/ Denn das siegel meines Apostel ampts seid jr/ inn dem Herrn. Wenn man mich fraget/ so antworte ich also/ Haben wir nicht macht zu essen vnd zu trincken? Da

ben wir nicht auch macht eine schwester zum weibe mit vmbher zu füren? wie die andern Apostel/ vnd des Herrn Brüder vnd Aephas? odder haben alleine ich vnd Barnabas nicht macht das zu thun? Welcher reisset jemals auff seinen eigen sold? Welcher pflantzet einen weinberg/ vnd isset nicht von seiner frucht? Odder welcher weidet eine herd/ vnd isset nicht von der milch der herden?

Rede ich aber solchs auff menschen weise? Saget nicht solches das Gesetz auch? Denn im Gesetz Mosei stehet geschrieben/ Du solt dem ochsen nicht das maul verbinden/ der da dreschet. ^{da} Sorget Gott für die ochsen? odder saget ers nicht aller dinge vmb vnsern willen? Denn es ist ia vmb vnsern willen geschrieben. Denn der da pflüget/ sol auff hoffnung pflügen/ vnd der da dreschet/ sol auff hoffnung dreschen/ das er seine hoffnung theilhaftig werde. So wir euch das geistliche seen/ ist es ein gros ding/ ob wir ewer leibliches erndten? So aber andere dieser macht an euch theilhaftig sind/ warumb nicht viel mehr wir?

Aber wir haben solcher macht ^b nicht gebraucht/ sondern wir vertragen allerley/ das wir nicht dem Euangelio Christi eine hindernis machen. Wisset jr nicht/ das die da opffern/ essen vom opffer/ vnd die des Altars pflegen/ genießten des Altars? Also hat auch der Herr befolhen/ das die das Euangelion verkündigen/ sollen sich vom Euangelion neeren. Ich aber habe der keines gebraucht.

Ich schreibe auch nicht darumb dauon/ das mit mir also sollte gehalten werden. Es were mir lieber/ ich stürbe/ denn das mir jemand meinen rhum sollte zu nichte machen/ Denn das ich das Euangelion predige/ darff ich mich nicht rhümen/ denn ich mus es thun/ Vnd wehe mir/ wenn ich das Euangelion nicht predigete. Thue ichs gerne/ so wird mir gelohnet/ Thue ichs aber vngerne/ so ist mir das ampt doch befolhen. Was ist denn nu mein lohn? Nemlich/ das ich predige das Euangelion Christi/ vnd thu das selbige frey vmb sonst/ auff das ich nicht meiner freiheit misbrauche am Euangelio.

Denn wie wol ich frey bin von jederman/ hab ich doch mich selbs jederman zum knechte gemacht/ auff das ich jrer viel gewinne. Den Jüden bin ich worden als ein Jude/ auff das ich die Jüden gewinne/ Denen die vnter dem Gesetz sind/ bin ich worden als vnter dem Gesetz/ auff das ich die/ so vnter dem Gesetz sind/ gewinne. Denen die on Gesetz sind/ bin ich als on Gesetz worden/ (so ich doch nicht on Gottes Gesetz bin/ sondern bin inn dem Gesetz Christi) auff das ich die/ so on Gesetz sind/ gewinne. Den schwachen bin ich worden als ein schwacher/ auff das ich die schwachen gewinne. Ich bin jederman allerley worden/ auff das ich allenthalben ia etliche selig mache. Solches aber thu ich vmb des Euangelij willen/ auff das ich sein theilhaftig werde.

Wisset

^a (Sorget)

Gott sorget für alle ding/ aber er sorget nicht/ das für die ochsen geschriebe werde/ des sie kommen nicht lesen

^b (Nicht gebraucht) Siehe/ der Apostel verschonet so fast der schwachheit an dē andern das er auch alles des sich enthalt/ da er macht/ als ein Apostel/ dau auch der andern Apostel exempel dazu hat.

^c (Was ist mein lohn) S. Paulus wil nicht rhümen sein predigen/ des das ist er schuldig/ sondern das er vmb sonst predige on sold/ das helt er für ein sonderlich lohn vnd rhum.

An die Corinther.

CXX.

Wisset jr nicht / das die / so inn den schrancken lauffen / die lauffen alle / aber einer erlanget das kleinod. Lauffet nu also / das jr es ergreifet. Ein jglicher aber der da kempffet / enthelt sich alles dinges / Iheruergengliche. Ich lauffe aber also / nicht als auff's vngewisse. Ich fechte also / nicht als der inn die lufft streichet / sondern ich betewbe meinen leib / vnd zeme in / das ich nicht den andern predige / vnd selbs verwerfflich werde.

(auff's vngewisse)
Gleich wie ein kēp
stet / der zur seiten
neben aus leufft /
des zils mus sei-
len / vnd der da si-
chiet vnd feststret-
che thut / der schle-
het vergeblich inn
die lufft / also ge-
het es alle die fast
viel gute werck on
glauben thun. Den
sie sind vngewis /
wie sie mit Gott
daran sind / darumb
sind es ettel feil
leufft / feil streich
vnd feil werd.

X.



Ich wil euch aber / lieben Brüder / nicht verhalten / das vnser Väter sind alle vnter der wolcken gewesen / vnd sind alle durchs meer gegangen / vnd sind alle vnter Mosen getaufft / mit der wolcken / vnd mit dem meer / vnd haben alle einerley geistliche speise gessen / vnd haben alle einerley geistlichen tranck getruncken / Sie truncken aber von dem geistlichen fels / der mit folget / welcher war Christus. Aber an jr vielen hatte Gott kein wolgefallen / denn sie sind nidder geschlagen inn der wüsten.

Das ist aber vns zum furbilde geschehen / das wir nicht vns geluften lassen des bösen / gleich wie ihene gelüftet hat. Werdet auch nicht Abgöttische / gleich wie ihener etliche worden / als geschrieben stehet / Das volck satzte sich nidder zu essen vnd zu trincken / vnd stund auff zu spielen. Auch lasset vns nicht hurerey treiben / wie etliche vnter ihnen hurerey trieben / vnd fielen auff einen tag drey vnd zwentzig tausent. Lasset vns aber auch Christum nicht versuchen / wie etliche von ihnen in versuchten / vnd wurden von den schlangen vmb bracht. Murret auch nicht / gleich wie ihener etliche murreten / vnd wurden vmb bracht durch den Verderber.

Solches alles widderfur ihnen / zum furbilde / Es ist aber geschrieben vns zur warnung / auff welche das ende der welt komen ist / darumb / wer sich leisset düncken / er stehe / mag wol zu sehen / das er nicht falle. Es hat euch noch keine / denn menschliche versuchung betreten / Aber Gott ist getrew / der euch nicht leisset versuchen / vber erwer vermögen / sondern machet / das die versuchung so ein ende gewinne / das jrs künd ertragen. Darumb / meine liebsten / fliehet von dem Götzen dienst.

Darumb verachte
keiner den andern /
wie stark odder
schwach er sey / wer
weis wie lange er
selbs bleibet.

Als mit den Flugen rede ich / richtet jr / was ich sage / Der gesegnete Kelch / welchen wir segenen / ist der nicht die gemeinschaft des bluts Christi? Das brod das wir brechen / ist das nicht die gemeinschaft des leibs Christi? Denn ein brod ist's / so sind wir viel ein leib / die weil wir alle eines brods teilhaftig sind. Sehet an den Israel nach dem fleisch / welche die opffer essen / sind die nicht inn der gemeinschaft des altars?

Was sol ich denn nu sagen? Sol ich sagen / das der Götze etwas sey? odder das das götzen opffer etwas sey? Aber ich sage / das die Weiden / was sie opffern / das opffern sie den Teuffeln / vnd nicht Gotte. In wil ich nicht / das jr inn der Teuffel gemeinschaft sein solt. Jr künd nicht zu gleich trincken des Herrn kelch / vnd der Teuffel kelch. Jr künd nicht zu gleich teilhaftig sein des Herrn tisches / vnd des Teuffels tisches. Odder wollen wir den Herrn trotzen? Sind wir stercker denn er? Ich hab es zwar alles macht / aber es fromet nicht

X iij alles

Die Erste Epistel

alles. Ich hab es alles macht / aber es bessert nicht alles. Niemand suche was sein ist / sondern ein iglicher was des andern ist

(des Herrn)
Christus ist Herr
vnd frey / also auch
alle Christen inn
allen dingen.

Alles was feyl ist auff dem fleischmarckt / das esset / vnd forschet nichts / auff das jr der gewissen verschonet. Denn die erde ist des Herrn / vnd was drinnen ist / So aber jemand von den vnglebigen euch ladet / vnd jr wolt hin gehen / so esset alles was euch furgetragen wird / vnd forschet nicht / auff das jr der gewissen verschonet. Wo aber jemand würde zu euch sagen / das ist götzen opffer / so esset nicht / vmb des willen / der es anzeigt / auff das jr des gewissen verschonet / (Die erde ist des Herrn / vnd was drinnen ist) Ich sage aber vom gewissen / nicht dein selbsts / sondern des andern. Denn warumb solte ich meine freiheit lassen vrteilen / von eines andern gewissen? Denn so ichs mit danck sagung genieße / was solte ich denn verlestert werden vber dem / da fur ich dancke?

(lassen vrteilen)
Er mag mich vr-
teilen / aber mein
gewissen sol dar-
umb vngewurteilt
vnd vngesungen
sein / ob ich im eus-
selich weiche zu
dienst.

Jr esset nu odder trincket / odder was jr thut / so thut es alles zu Gottes ehre. Seid nicht ergerlich wedder den Juden noch den Griechen / noch der Gemeine Gottes / Gleich wie ich auch jederman inn allerley mich gefellig mache / vnd suche nicht was mir / sondern was vielen fromet / das sie selig werden. Seid meine nachfolger / gleich wie ich Christi.

XI.



Ich liebe euch / lieben Brüder / das jr an mich gedencet inn allen stücken / vnd haltet die weise / gleich wie ich euch gegeben habe. Ich lasse euch aber wissen / das Christus ist eins iglichen mannes heubt / Der man aber ist des weibes heubt / Gott aber ist Christus heubt / Ein iglicher man / der da betet odder weissaget / vnd hat etwas auff dem heubt / der schendet sein heubt / Ein weib aber / das da betet odder weissaget mit vnbedecktem heubt / die schendet jr heubt / Denn es ist eben so viel / als were sie beschoren. Wil sie sich nicht bedecken / so schneide man jr auch das har abe. Nu es aber vbel stehet / das ein weib verschnitten har habe / odder beschoren sey / so lasset sie das heubt bedecken.

(macht)
Das ist der schleier
er odder decke / da
bey man mercke
das sie vnter des
mannes macht sey
Gen. 13.

Der man aber sol das heubt nicht bedecken / sintemal er ist Gottes bilde vnd ehre / das weib aber ist des mannes ehre. Denn der man ist nicht vom weib / sondern das weib ist vom manne / Vnd der man ist nicht geschaffen vmb des weibes willen / sondern das weib vmb des mannes willen. Darumb sol das weib eine macht auff dem heubt haben / vmb der Engel willen / Doch ist weder der man on das weib / noch das weib on den man / inn dem Herrn. Denn wie das weib von dem manne / also kompt auch der man durchs weib / aber alles von Gott.

Nichtet bey euch selbsts / obs wol stehe / das ein weib vnbedecket fur Gott bete / Odder leret euch auch nicht die natur / das einem man eine vnehre ist / so er lange har zeuget / vnd dem weib eine ehre / so sie lange har zeuget? Das har ist jr zur decke gegeben. Ist aber jemand vnter euch / der lust zu zanken hat / der wisse / das wir die weise nicht haben / die Gemeinen Gottes auch nicht.

Ich mus aber dis befelhen / Ich kans nicht loben / das jr nicht auff besser weise / sondern auff erger weise / zu samen komet. Zum ersten / wenn jr zu samen komet inn der Gemeine / höre ich / es seien spaltung vnter

tung vnter euch / vnd zum teil glaube ichs. Denn es müssen rotten vn-
ter euch sein / auff das die / so rechtschaffen sind / offenbar vnter euch
abentmal / Denn so man das abentmal halten sol / nimpt ein iglicher
sein eigens vor hin. Vnd einer ist hungerig / der ander ist truncken.
Dabt jr aber nicht heuser / da jr essen vnd trincken müget. oder verach-
tet jr die Gemeine Gottes / vñ beschemet die / so da nichts haben. Was
sol ich euch sagen? Sol ich euch loben? Hierinnen lobe ich euch nicht.

Ich hab es von dem Herrn empfangen / das ich euch gegeben ha-
be / Denn der Herr Ihesus inn der nacht da er verrhaten ward / nam
er das brod / dancket / vnd brachs / vnd sprach / **NEMET** / esset / das
ist mein leib / der fur euch gebrochen wird / Solches thut zu meinem
gedechtnis. Desselbigen gleichen auch den kelch / nach dem abent-
mal / vnd sprach / Dieser kelch ist das newe Testament inn meinem
blut / Solchs thut / so oft jr trincket / zu meinem gedechtnis.

Denn so oft jr von diesem brod esset / vnd von diesem kelch trin-
cket / solt jr des Herrn tod verkündigen / bis das er kompt. Welcher nu
vnwirdig von diesem brod isset / odder von dem kelch des Herrn trin-
cket / der ist schuldig an dem leib vnd blut des Herrn. Der mensch
prüfe aber sich selbs / vnd also esse er von diesem brod / vnd trincke von
diesem kelch / Denn welcher vnwirdig isset vnd trincket / der isset vnd
trincket im selber das gericht / damit das er nicht vnterscheidet den
leib des Herrn.

Darumb sind auch also viel schwachen vnd fracken vnter euch /
vnd ein gut teil schlaffen. Denn so wir vns selber richteten / so würden
wir nicht gerichtet. Wenn wir aber gerichtet werden / so werden wir
von dem Herrn gezüchtigt / auff das wir nicht sampt der welt ver-
dampt werden. Darumb / meine lieben Brüder / wenn jr zu sammen ko-
met zu essen / so harret einer des andern. Hungernt aber jemand / der
esse da heimen / auff das jr nicht zum gericht zu sammen kompt. Das
ander wil ich ordenen / wenn ich kome.

XII.



Vn den geistlichen gaben aber / wil ich euch / lieben Brü-
der / nicht verhalten. Ir wiisset das jr Weiden seid gewe-
sen / vnd hin gegangen / zu den stummen götzen / wie jr
geführt wurdet / Darumb thu ich euch kund / das nie-
mand Ihesum verfluchet / der durch den Geist Gottes
redet. Vnd niemand kan Ihesum einen Herrn heissen /
on durch den Heiligen geist.

Es sind mancherley gaben / aber es ist ein Geist. Vnd es sind man-
cherley empter / aber es ist ein Herr. Vnd es sind mancherley krefften /
aber es ist ein Gott / der da wircket alles inn allen. Inn einem iglichen
erzeigen sich die gaben des Geistes / zum gemeinen nutz. Einem wird
gegeben durch den Geist zu reden von der weisheit / Dem andern
wird gegeben zu reden von der erkenntnis / nach dem selbigen Geist.
Einem andern der glaube / inn dem selbigen Geist / Einem andern die
gabe gesund zu machen / inn dem selbigen Geist. Einem andern wun-
der zu thun / Einem andern weissagung / Einem andern geister zu vn-
terscheiden / Einem andern mancherley sprachen. Einem andern die
sprachen aus zu legen. Dis aber alles wircket der selbige einige Geist /
vnd teilet einem iglichen seines zu / nach dem er wil.

^a
(prüffe)
Das ist ein iglicher
er sehe zu wie er
glaube inn diesem
abentmal was vñ
wo zu ers empfahe

^b
(nicht vnter-
scheidet)
Der Christus leich-
nam handelt vnd
damit vmb gehet /
als achtet ers nicht
mehr / denn ander
speise.

^c
(das jr Weiden)
Das ist das Hei-
den water / wisset
ir nichts wedder
von Christo noch
von dem Heiligen
geist / An aber sol-
tet ir des Geistes
gaben wissen / on
welchen niemand
Christum erkentet
sondern viel mehr
verflucht.

^d
(mancherley)
Es ist inn allen
Christen ein geist /
weisheit / erkent-
nis / glaube / kreffte
etc. Aber solchs ge-
gen ander vñ vñ
beweisen / ist nicht
jedemans / Son-
dern von weisheit
reden / die da lernen
Gott erkennen. Vñ
erkenntnis redet die
da lernen eufferlich
wesen vñ Christi-
che freiheit. Glau-
ben beweisen / die
in offentlich bekem-
nen mit worten vñ
wercken / als die
mutterer. Geister
unterscheiden / die
da prüfen die pro-
pheten vñ lernen.

Die Erste Epistel.

(getrencket)
Wir trinken einer
ley Sacrament/
das wir auch einer
ley geist empfahe/
gleich wie wir ei-
nerley tauffe em-
pfahen / das wir
ein leib seyen.

Denn gleich wie ein leib ist / vnd hat doch viel glieder / alle glie-
der aber eines leibes / wie wol jr viel sind / sind sie doch ein leib. Also
auch Christus / denn wir sind inn einem Geist alle zu einem leibe ge-
taufft / wir seyen Juden odder Griechen / knechte odder freien /
vnd sind alle inn einem Geist getrencket. Denn auch der leib ist
nicht ein glied / sondern viele. So aber der fus spreche / ich bin
kein hand / darumb bin ich des leibes glied nicht / solt es vmb des
willen nicht des leibes glied sein? Vnd so das ohre spreche / ich bin
kein auge / darumb bin ich nicht des leibes glied / solt es vmb des
willen nicht des leibes glied sein? Wenn der gantz leib auge were/
wo bliebe das gehöre? So er gantz das gehöre were / wo bliebe der
geruch?

Nu aber hat Gott die glieder gesetzt / ein jglicher sonderlich
am leibe / wie er gewolt hat / So aber alle glieder ein glied weren/
wo bliebe der leib? Nu aber sind der glieder viel / aber der leib ist einer.
Es kan das auge nicht sagen zu der hand / ich darff dein nicht / odder
widderumb das heubt zu den füßen / ich darff ewer nicht / sondern viel
mehr die glieder des leibes / die vns düncken die schwächstesten sein / sind
die nötigsten / vnd die vns düncken die vnehrlichsten sein / den selbigen
legen wir am meisten ehre an / vnd die vns vbel anstehen / die schmück-
et man am meisten / Denn die vns wol anstehen / die bedörffens nicht
Aber Gott hat den leib also vermengert / vnd dem dürfftigen glied am
meisten ehre gegeben / auff das nicht eine spaltung im leibe sey / son-
dern die glieder fur einander gleich sorgen / Vnd so ein glied leidet / so
leiden alle glieder mit / vnd so ein glied wird herrlich gehalten / so fre-
wen sich alle glieder mit.

Jr seid aber der leib Christi / vnd glieder ein jglicher nach sein teil /
Vnd Gott hat gesetzet inn der Gemeine / auffss erst die Apostel / auffss
ander die Propheten / auffss dritte die Lerer / darnach die Wunderthe-
ter / darnach die gaben gesund zu machen / Welscher / Regierer / manch-
erley sprachen. Sind sie alle Apostel? Sind sie alle Propheten? Sind
sie alle Lerer? Sind sie alle Wundertheter? Haben sie alle gaben ge-
sund zu machen? Reden sie alle mit mancherley sprachen? Können sie
alle auslegen / Strebt aber nach den besten gaben / vnd ich wil euch
noch einen köstlichen weg zeigen.

XII.

(allen glauben)
Wiewol allein
der glaube gerecht
macher / als S.
Paulus allenthal-
ben treibet / doch
wo die liebe nicht
folget / were der
glaube gewislich
nicht recht / ob er
gleich wunder the-
te.



Enn ich mit menschen vnd mit Engel zungen re-
det / vnd hette der liebe nicht / so were ich ein do-
nend ertz / odder eine klingende schelle / Vnd
wenn ich weissagen künde / vnd wüßte alle geheim-
nis / vnd alle erkenntnis / vnd hette allen glau-
ben / also / das ich berge versetzte / vnd hette der
liebe nicht / so were ich nichts. Vnd wenn ich alle
meine habe den armen gebe / vnd liesse meinen leib
brennen / vnd hette der liebe nicht / so were mirs nichts nütze.

(ungeberdig)
Wie die zornigen/
störigen / vngedul-
tigen köpffe thun.

Die liebe ist langmütig vnd freundlich / die liebe einert nicht / die
liebe schalcket nicht / sie blehet sich nicht / sie stellet sich nicht / vn-
geberdig / sie suchet nicht das ire / sie lesset sich nicht erbittern / sie ge-
dencket nicht arges / sie frewet sich nicht der vngerechtigkeit / sie fre-
wet sich

An die Lorintber.

CXII.

wet sich aber der warheit / sie duldet alles / sie vertreget alles / sie gienbet alles / sie hof-
 fet alles / sie duldet alles / die liebe wird a nicht müde / so doch die weis-
 sagung auff hören werden / vnd die sprachen auff hören werden / vnd
 das erkenntnis auff hören wird.
 Denn unser mühen ist nicht vergeblich.

Denn vnser wissen ist ^bstückwerck / vnd vnser weissagen ist stückwerck / Wenn aber komen wird das volkommen / so wird das stückwerck auffhören. Da ich ein kind war / da redet ich wie ein kind / vnd war kling wie ein kind / vnd hatte kindische anschlege / Da ich jtz durch einen spiegel inn einem tuncckeln wort / denn aber von angesicht zu angesichte. Jtz erkenne ichs stückweise / denn aber werde ich erkennen / gleich wie ich erkennet bin. Nu aber bleibt glaube / hoffnung / liebe / diese drey / aber die liebe ist die grösste ter jnen.

XIII.



Strebet nach der liebe / Vleißiget euch der geistlichen
gaben / am meisten aber / das jr weissagen möget.
Denn der mit der zungen redet / der redet nicht den
menschen / sondern Gotte / Denn jm höret niemand
zu / Im Geist aber redet er die geheimnis. Wer aber
weissaget / der redet den menschen zur besserung / vnd
zur ermanung / vnd zur tröstung. Wer mit der zungen
redet / der bessert sich selbs / Wer aber weissaget / der bessert die Ge-
meine. Ich wolt / das jr alle mit zungen reden kündtet / aber
viel mehr / das jr weissagetet / Denn der da weissaget / ist grösser
denn der mit zungen redet / es sey denn / das ers auch anlege / das
die Gemeine danon gebessert werde. Nu aber / lieben Brüder / wenn
ich zu euch keme / vnd redet mit zungen / was were ich euch nütze ? so
ich nicht mit euch redet / entweder durch Offenbarung / odder durch
Erkenntnis / odder durch Weissagung / odder durch Lere.

Wilt sichs doch auch also inn den dingen / die da lauten / vnd doch nicht leben / es sey eine pfeiffe odder eine harffe / wenn sie nicht vnterschiedliche stimme von sich geben / wie kan man wissen / was gepfiffen odder geharffet ist? Vnd so die posaune einen vndentlichen dohn gibt / wer wil sich zum streit rüsten? Also auch jr / wenn jr mit zungen redet / so jr nicht eine deutliche rede gebet / wie kan man wissen / was geredt ist? Denn jr werdet inn den wind reden.

Zwar es ist mancherley art der stimme jnn der welt/vnd der selbi-
gen ist doch keine vndentlich. So ich nu nicht weis der stimme deutun-
ge/werde ich vndendsch sein dem/der da redet/vnd der da redet/wird
mir vndendsch sein/Also auch jr/sintemal jr euch vleissiget der geisili-
chen gaben/trachtet darnach/das jr die Gemeine bessert/anff das jr
volle gnüge habt.

Darumb / welcher mit zungen redet / der bete also / das ers
auch auslege. So ich aber mit zungen bete / so betet mein geist / aber
mein sinn bringet niemand frucht. Wie sol es aber denn sein: nemlich /
also / Ich wil beten mit dem Geist / vnd wil beten auch im sinn /
Ich wil Psalmen singen im Geist / vnd wil auch Psalmen singen mit
dem sinn.

als auslegen/ und den sinn den andern verfleren/ Aber in geist reden/ ist den sinn selbst verfluchen/ rñ nicht auslegen.

Die Erste Epistel

Wenn du aber segnest im Geist/wie sol der/so an stat des Leien
stehet/Amen sagen/auff deine dancksagung/sintemal er nicht weis/
was du sagest? Du dancksagest wol fein/aber der ander wird nicht
danon gebessert. Ich dancke meinem Gott/das ich mehr mit zungen
rede/denn jr alle. Aber ich wil inn der Gemeine lieber funff wort re-
den/mit meinem sinn/auff das ich auch andere vnterweise/denn sonst
zehen tausent wort mit zungen.

(sinn)
Das ist/den sinn
mit predigen/aus-
legen.

Lieben Brüder/werdet nicht Kinder an dem verstentnis/sondern
an der bosheit seid Kinder/an dem verstentnis aber seid vollkommen.
Im Gesetz stehet geschrieben/Ich wil mit andern zungen vnd mit
andern lippen reden zu diesem volck/vnd sie werden mich auch also
nicht hören/spricht der Herr. Darumb/so sind die zungen zum zeich-
en/nicht den glenbigen/sondern den vnglenbigen/Die weissagung
aber nicht den vnglenbigen/sondern den glenbigen.

(sinn zeichen)
Durch mancherley
zungen werden die
vnglenbigen zum
glaube bekert wie
durch andere zeich-
en vnd wunder/
aber durch weissa-
gung werden die
glenbige gebessert
vnd gestärket/als
durch zeichen/dar-
an sie ihren glaube
prüfen vnd erfur-
ten/das er recht
sey.

Wenn nu die gantz Gemeine zu samen keme an einen ort/vnd
redeten alle mit zungen/Es kemen aber hinein Leie odder vn-
glenbige/würden sie nicht sagen/jr weret vn Sinnig? So sie aber alle
weissageten/vnd keme denn ein vnglenbiger odder Leie hinein/der
würde von den selbigen allen gestraffet/vnd von allen gerichtet/vnd
also würde das verborgen seines hertzen offenbar/vnd er würde also
fallen auff sein angesichte/Gott anbeten/vnd bekennen/das Gott
warhafftig inn euch sey.

Wie ist jm denn nu/lieben Brüder? wenn jr zu samen komet/so
hat ein jglicher Psalmen/er hat lere/er hat zungen/er hat offenba-
rung/er hat auslegung/Lasset es alles geschehen zur besserung. So
jemand mit der zungen redet/odder zween odder auff's meiste drey/
eins vmb's ander/so lege es einer aus. Ist er aber nicht ein ausleger/
so schweige er vnter der Gemeine/rede aber jm selber vnd Gotte.

Die Weissager aber lasset reden/zween odder drey vnd die an-
dern lasset richten/So aber eine offenbarung geschicht einem an-
dern/der da sitzt/so schweige der erste. Jr künd wol alle weissagen/
einer nach dem andern/auff das sie alle lernen/vnd alle ermanet wer-
den. Vnd die geister der Propheten/sind den Propheten vnterthan.
Denn Gott ist nicht ein Gott der vnordnung/sondern des frides/
wie inn allen Gemeinen der Heiligen.

(vnterthan)

Etliche meinen
weil sie den ver-
stand vñ des Gei-
stes gaben haben/
sollen sie niemand
weichend schwei-
gen/daraus denn
secten vnd zwit-
racht folgen. Aber
S. Paulus spricht
hie/sie sollen vñ
mögen wol weich-
en/sintemal die ga-
ben des geistes in
jrer macht stehen/
jrmacht zu brauch-
en wider die einig-
keit/das sie nicht
sagen dürffen/der
geist treibe vñ
zwinge sie.

Wer weiber lasset schweigen vnter der Gemeine/Denn es
sol jnen nicht zugelassen werden/das sie reden/sondern vnterthan
sein/wie auch das Gesetz saget/Wöllen sie aber etwas lernen/so
lasset sie daheimen ire menner fragen. Es stehet den weibern vbel an/
vnter der Gemeine reden/Odder ist das wort Gottes von euch aus
komen? odder ist's allein zu euch komen? So sich jemand leset dün-
cken/er sey ein Prophet/odder geistlich/der erkenne/was ich euch
schreibe/denn es sind des Herrn gebot. Ist aber jemand vnwissend/
der sey vnwissend. Darumb/lieben Brüder/vleissiget euch des weis-
sagen/vnd weret nicht mit zungen reden/Lassets alles züchtiglich
vnd ordentlich zu gehen.

Gent. 14



Ich erinnere euch aber / lieben Brüder / des Euangeliums / das Ich euch verkündigt habe / welches jr auch angenommen habt / inn welchem jr auch stehet / durch welches jr auch selig werdet / welcher gestalt ich es euch verkündigt habe / so jrs behalten habt / Es were denn / das jr vmb sonst geglaubet hettet.

Denn ich habe euch zu forderst gegeben / welches ich auch empfangen habe / das Christus gestorben sey für vnser sünde / nach der Schrift / vnd das er begraben sey / vnd das er auferstanden sey / am dritten tage / nach der Schrift / vnd das er gesehen worden ist von Kephas / darnach von den Zwölffen / darnach ist er gesehen worden von mehr denn funffhundert Brüdern auff einmal / der noch viel lebend etliche aber sind entschlaffen / Darnach ist er gesehen worden von Jacobo / darnach von allen Aposteln.

*(nach der Schrift)
Denn für der ver-
misset außer der
Schrift ist alles
thölich zu hören.*

Am letzten nach allen / ist er auch von mir / als einer vnzeitigen geburt / gesehen worden / Denn ich bin der geringste vnter den Aposteln / als der ich nicht werd bin / das ich ein Apostel heiße / darum bin ich / das ich bin / vnd seine gnade an mir ist nicht vergeblich gewesen / sondern ich hab viel mehr gearbeitet / denn sie alle / nicht aber ich / sondern Gottes gnade / die inn mir ist. Es sey nu ich odder ihene / also predigen wir / vnd also habt jr geglaubet.

So aber Christus geprediget wird / das er sey von den todten auff erstanden / wie sagen denn etliche vnter euch / die auferstehung der todten sey nichts? Ist aber die auferstehung der todten nichts / so ist auch Christus nicht auferstanden / Ist aber Christus nicht auferstanden / so ist vnser predigt vergeblich / so ist auch ewer glaube vergeblich. Wir würden auch erfunden falsche zeugen Gottes / das wir wider Gott gezeuget hetten / er hette Christum auferwecket / den er nicht auferwecket hette / sintemal die todten nicht auferstehen / Denn so die todten nicht auferstehen / so ist Christus auch nicht auff erstanden / Ist Christus aber nicht auferstanden / so ist ewer glaube eitel / so seid jr noch inn ewren sünden / so sind auch die / so inn Christo entschlaffen sind / verloren. Wollen wir allein inn diesem leben auff Christum / so sind wir die elendesten vnter allen menschen.

Nu aber ist Christus auferstanden von den todten / vnd der erstling worden vnter denen / die da schlaffen / Sintemal durch einen menschen der tod / vnd durch einen menschen die auferstehung der todten kompt. Denn gleich wie sie inn Adam alle sterben / also werden sie inn Christo alle lebendig gemacht werden / Ein jglicher aber inn seiner ordenung / Der erstling Christus / darnach die Christum angehören / wenn er komen wird / Darnach das ende / wenn er das Reich Gott dem Vater vberantworten wird / wenn er auffheben wird alle herrschafft vnd alle oberkeit vnd gewalt. Er mus aber herschen / bis das er alle seine feinde vnter seine füsse lege.

Der letzte feind / der auffgehaben wird / ist der Tod / Denn er hat jm alles vnter seine füsse gethan. Wenn er aber saget / das es alles vnterthan sey / ist offenbar / das ausgenommen ist / der jm alles vnterthan hat / Wenn aber alles jm vnterthan sein wird / als denn wird auch der Son selbs vnterthan sein / dem / der jm alles vnterthan hat / auff das Gott sey alles inn allen.

Was machen sonst / die sich taffen lassen vber den todten / so aller dinge

psal. cr.

psal. viij

Die Erste Epistel

^a
(Vber den todten)
Die auferstehung
zu bestercken / lies-
sen sich die Chris-
ten zeuffen / vber
den todten gre-
bern / vnd deuten
auff die selbigen
das eben die selbi-
gen wärdten aufer-
stehen.

^b
(Geschweze)
Das ist / böse ge-
sehschafft / da off-
gar ergerliche
wort gefallen wi-
der den glauben
vnd verderben
gute gewissen.

^c
Natürlich leib ist
der isst / trincket /
schlefft / dewet / zu
vnd abnimpt. Ein
der zeuget etc.
Geistlich / der sol-
ches keines darff /
vnd doch ein wä-
rer leib vom geist
lebendig ist / wie
man aus Gene.ij.
verstehen kan.

dinge die todten nicht auferstehen? Was lassen sie sich teuſſen ^a vber den todten? vnd was stehen wir alle stunde inn der fahr? Bey vnserm rhum / den ich habe inn Christo Ihesu vnserm Herrn / ich sterbe teglich. Dab ich menschlicher meinung zu Epheso mit den wilden thieren gefochten / was hilfft michs / so die todten nicht auferstehen? Laß Jsa. 124. Posa. 1. Lasset euch isst vns eissen vnd trincken / denn morgen sind wir tod. Lasset euch nicht verführen / Böse ^b geschwetze verderben gute sitten. Wachet recht auff / vnd sundiget nicht / denn etliche wissen nichts von Gott. Das sage ich euch zur schande.

Möchte aber jemand sagen / wie werden die todten auferstehen? vnd mit welcherley leibe werden sie komen? Du narr / das du seest / wird nicht lebendig / es sterbe denn / Vnd das du seest / ist ja nicht der leib / der werden sol / sondern ein blos korn / nemlich / weitzen odder der andern eines. Gott aber gibt jm einen leib / wie er wil / vnd einem igli- chen von dem samen seinen eigen leib.

Nicht ist alles fleisch einerley fleisch / sondern ein ander fleisch ist der menschen / ein anders des viechs / ein anders der fische / ein an- ders der vögel / Vnd es sind himlische körper vnd irdische körper / aber eine ander herrligkeit haben die himlischen / vnd eine ander die irdi- schen. Ein ander klarheit hat die Sonne / ein ander klarheit hat der Mond / ein ander klarheit haben die sterne / denn ein stern vbertrifft den andern nach der klarheit / Also auch die auferstehung der todten. Es wird geseet verweslich / vnd wird auferstehen vnnerweslich / Es wird geseet inn vnehre / vnd wird auferstehen inn herrligkeit / Es wird geseet inn schwachheit / vnd wird auferstehen inn krafft / Es wird gese- et ein natürlicher leib / vnd wird auferstehen ein geistlicher leib.

Wat man einen natürlichen leib / so hat man auch einen geistlich- en leib. Wie es geschrieben stehet / Der erste mensch Adam ist gemacht ins natürliche leben / vnd der letzte Adam ins geistliche leben. Aber der geistliche leib ist nicht der erste / sondern der natürliche / darnach der geistliche. Der erste mensch ist von erden vnd irdisch / der ander mensch / ist der Herr vom himel. Welcherley der irdische ist / solcherley sind auch die irdischen / Vnd welcherley der himlische ist / solcherley sind auch die himlische. Vnd wie wir getragen haben das bilde des irdi- schen / also werden wir auch tragen das bilde des himlischen.

Danon sage ich aber / lieben Brüder / das fleisch vnd blut nicht können das Reich Gottes ererben / auch wird das verwesliche nicht erben das vnnerwesliche. Sihe / ich sage euch ein geheimnis / Wir werden nicht alle entschlaffen / wir werden aber alle verwandelt wer- den / vnd dasselb plötzliche inn einem augenblick / zur zeit der letzten po- saunen. Denn es wird die posaune schallen / vnd die todten werden auferstehen vnnerweslich / vnd wir werden verwandelt werden / Denn dis verwesliche mus anziehen das vnnerwesliche / vnd dis sterb- liche mus anziehen die vnsterblichkeit.

Wenn aber dis verwesliche wird anziehen das vnnerwesliche / vnd dis sterbliche wird anziehen die vnsterblichkeit / denne wird erfül- let werden das wort das geschrieben stehet / Der tod ist verschlungen inn dem sieg / Tod / wo ist deine stachel? Welle / wo ist dein sieg? Aber der stachel des Todes ist die sünde / die krafft aber der sünde ist das Gesetz. Gott aber sey danck / der vns den sieg gegeben hat / durch vn- sern Herrn Ihesum Christum. Darumb / meine lieben Brüder / seid feste / vnbeweglich / vnd nemet jmer zu inn dem werck des Herrn / sin- temal

An die Corinthen. CXXIII.
temal jr wisset / das ewer erbeit nicht vergeblich ist inn dem Herrn.
XVI.



On der stewart aber / die den Heiligen geschicht / wie ich den Gemeinen inn Galatia befolhen habe / also thut auch jr. Auff ja der Sabbathen einen / lege bey sich selbs ein / gleicher vnter euch / vnd samle / was im leidlich ist / auff das nicht / wenn ich kome / denn aller erst die stewart zu samlen sey. Wenn ich aber dar komen bin / welche jr durch briene dafur ansehet / die wil ich sen / den / das sie hin bringen ewre wolthat gen Jerusalem / So es aber werd ist / das ich auch hin reise / sollen sie mit mir reisen. Ich wil aber zu euch komen / wenn ich durch Macedonia zih / Denn durch Macedonia werde ich zihen / bey euch aber werde ich villeicht bleiben / odder auch wintern / auff das jr mich geleitet / wo ich hin zihen werde.

Ich wil euch jetzt nicht sehen im fur vber zihen / denn ich hoffe / ich wölle etliche zeit bey euch bleiben / so es der Herr zuleisset. Ich werde aber zu Epheso bleiben / bis auff Pfingsten / denn mir ist eine grosse thür auff gethan / vnd sie sind vleissig / vnd sind viel Widerwertiger da. So Timotheos komet / so sehet zu / das er on furcht bey euch sey / denn er treibet auch das werck des Herrn / wie ich / Das in nu nicht jemand verachte / Geleitet in aber im fride / das er zu mir kome / denn ich warte sein mit den Brüdern.

Von Apollo dem Bruder aber (wisset) das ich in seer viel ermanet habe / das er zu euch kome mit den Brüdern / vnd es war aller dinge sein wille nicht / das er jetzt kome / er wird aber komen / wenn es im gelegen sein wird. Wachtet / stehet im glauben / seid menlich / vnd seid starck / alle ewer ding laisset inn der liebe geschehen.

Ich ermane euch aber / lieben Brüder / jr kennet das haus Stephanana / das sie sind die erslinge inn Achaia / vnd haben sich selbs verordnet zum dienst den Heiligen / auff das auch jr solchen vnterthan seiet / vnd allen die mit wircken vnd erbeiten. Ich frewe mich vber der zukunfft Stephanana vnd Fortunati vnd Achaici. Denn wo ich ewer mangel hatte / das haben sie erstattet / sie haben erquickt meinen vnd ewern geist. Erkennets / das sie solche sind.

Es grüssen euch die Gemeinen inn Asia / Es grüsset euch seer inn dem Herrn Aquilas vnd Priscilla / sampt der Gemeine inn irem hause. Es grüssen euch alle Brüder. Grüsset euch vnternander mit dem heiligen Kus. Ich Paulus grüsse euch mit meiner hand. So jemand den Herrn Ihesu Christ nicht lieb hat / der sey * Anathema Maharam motha. Die gnade des Herrn Ihesu Christi sey mit euch. Meine liebe sey mit euch allen inn Christo Ihesu / A M E N.

Die Epistel zu den Corinthern.

Gesand aus Asia / durch Stephanon vnd Fortunaten / vnd Achaicon / vnd Timotheon.

3

Vorrede

(thür)
Grosse thür auff
gethan / meinet er /
das viel zu hören
da sind / als gehe
das Euangelion
mit gewalt in
thor ein / vnd sie
vleissig am Euang
gelio hangen / so es
zu Jerusale kaum
ein fenster odder
riss fand.

a
Bann auff deutsch
sch Anathema /
auff Griechisch /
Maharam auff
Hebreisch / ist ein
ding. Moth aber
heisset tod. Will nu
S. Paulus sagen /
Wer Christum ni
cht liebet / der ist
verbannt zum
tode. Vide Luc. vi

Die Bucher des Newen Testaments.

i	Euangelion Sanct Matthei.
ii	Euangelion Sanct Marcus.
liij	Euangelion Sanct Lucas.
liij	Euangelion Sanct Johannis.
v	Der Aposteln Geschichte/beschrieben von Sanct Lucas.
vj	Epistel Sanct Paulus zu den Römern.
vij	Die erste Epistel Sanct Paulus zu den Corinthern.
viii	Die ander Epistel Sanct Paulus zu den Corinthern.
ix	Epistel Sanct Paulus zu den Galatern.
x	Epistel Sanct Paulus zu den Ephesern.
xj	Epistel Sanct Paulus zu den Philippern.
xij	Epistel Sanct Paulus zu den Coloffern.
xiiij	Die erste Epistel Sanct Paulus zu den Thessalonichern.
xv	Die ander Epistel Sanct Paulus zu den Thessalonichern.
xvi	Die erste Epistel Sanct Paulus an Timotheon.
xvij	Die ander Epistel Sanct Paulus an Timotheon.
xviii	Epistel Sanct Paulus an Titon.
xix	Epistel Sanct Paulus an Philemon.
xx	Die erste Epistel Sanct Peters.
xxi	Die ander Epistel Sanct Peters.
xxii	Die erste Epistel Sanct Johannis.
xxiii	Die ander Epistel Sanct Johannis.
xxiv	Die dritte Epistel Sanct Johannis.

Die Epistel zu den Hebreern.

Die Epistel Jacobi.

Die Epistel Judas.

Die Offenbarung Johannis.